



Created by Ben Davis
from Noun Project

Ua Tapē e Lē e Ona Le Fale Lo'u Uila, Vai ma le Kesi!

O ai e faasaga iai nei faamatalaga?

Soo se tagata nofofale i le setete o Uasigitone ua tapē e lē e ona le fale lona uila, vai poo le kesi ma ua taumafai e tulieseina.

O a ni mea e te maua i lau fautau mai?

- O le mea e fai pe afai ua solia e lē e ona le fale le tulafono ina ua tapē le uila, vai ma le kesi ae lē o i luga o le tulafono.
- Se mea e te maua ai le fesoasoani faaletulafono.

O le a le faamatalaga a le tulafono?

[RCW 59.18.300](#) ua fai mai ua solitulafonoina lē e ona le fale pe afai ua ia tapē le uila, vai poo le kesi ma le loto iai (faamoemoega) ia taofi le ola o le uila, vai poo le kesi. E aofia ai le vai, alavevela, uila, poo le kesi, e le aofia ai pe a manaomia ona faia ni faaleleiga i se taimi puupuu.

-
- ❖ O tulafono a le setete o Uasigitone e ta'ua ole **Toe Iloilo o Tulafono a Uasigitone poo le Revised Code of Washington (RCW)**. O le tulafono tāua e aafia ai tagata nofofale ma lē e ona le fale o loo maua [i Tulafono mo Lē e ona le fale-Tagata Nofofale poo le Residential Landlord-Tenant Act\(RCW 59.18\)](#).
-

I isi tala, e ona sala lē e ona le fale pe afai ua ia tapē atu i lou vai, uila ma le kesi ina ia taumafai e tulieseina oe.

E mafai ona e molia lē e ona le fale i se taimi o i luma (ile tele o taimi i le Fale Faamasino mo Moliaga Laiti) mo ni tupe totogi ua e maua pe ni mafatiaga i le vaitaimi sa taofi ai oe ma le ulufale i lau fale. E mafai ona ave sau moliaga e faatalosagaina se tupe e \$100 ile aso sa leai ai sau uila, vai poo le kesi. Faitau le [O le a le Fale Faamasino mo Moliaga Laiti?](#) ma le [Faafefe ona ou ave se Moliaga ile Fale Faamasino mo Moliaga Laiti?](#)

E mafai e lē e ona le fale ona tapē le uila, vai poo le kesi i luga o le tulafono?

Masalo. Afai o lau lisi o loo ta'ua atu lau tiute ole totogiina o le uila, vai poo le kesi, ae e te le'i faia, o le kamupani uila, vai poo le kesi e mafai ona tapē o le uila, vai poo le kesi.

Afai ua e “**tuu lafoaina**” le fale-ua e tuua ese le fale ma ua taofi lau totogi atu o le mautotogi e aunoa ma le logo atu i lē e ona le fale-o lē e ona le fale e mafai ona ia tapēina le uila, vai poo le kesi.

O le a sau mea e fai pe afai ua tapē e lē e ona le fale le uila, vai poo le kesi?

Vili le leoleo. Ta'u atu iai ua tapē e lē e ona le fale le uila, vai poo le kesi e aunoa ma se faatonuga mai le faamasino. E mafai ona sau le leoleo ma faamalosi atu lē e ona le fale ona toe faaola le uila, vai poo le kesi.

Ona taumafai lea e saili se fesoasoani faaletulafono.

Saili se Fesoasoani Faaletulafono

O tulafono faateesega ma auala o loo faatulagaina e le fale faamasino le faafitauli e tau ma le COVID-19 e iai ni suiga vave ma e eseese e talafeagai ma le mea e te nofo ai. Ia e maua faamatalaga fou ma ia e iloa auala e te maua ai se fesoasoani e faatatau i faateesega i lau pitonu'u WashingtonLawHelp.org.

I fafo ma King County: Vili le CLEAR Hotline ile 1-888-201-1014 aso o le vaiaso ile va o taimi nei 9:15 a.m. - 12:15 p.m.

I totonu o King County: Vili le 2-1-1 mo se faasinomaga mo fesoasoani ma aunaga faaletulafono i aso o le vaiaso ile va o taimi nei 8:00 am – 6:00 pm.

O Tagata e 60 tausaga ma luga atu e mafai ona vili le CLEAR*Sr ile 1-888-387-7111 (setete atoa).

Tagata tutuli pe faigata ona faalogo, faigata ona tautala e mafai ona vili le CLEAR poo le 211 (poo le 1-877-211-9274) ma faaogā ai masini faasalalau ua e filifili iai.

Apalai mai i luga ole initaneti ile saiti nei CLEAR*Online - nwjustice.org/get-legal-help

CLEAR ma le 211 o le a avatu se faaliliu.

O lenei faasalaluga o avatu ai ni faamatalaga lautele e uiga i au tiute ma aiā.
E le faaagaaga e avea ma sui mo fautuaga faapitoa faaletulafono.

© 2020 Northwest Justice Project — 1-888-201-1014.

(O le faatagaga mo le kopiina ma tufatufaina ua tauaaoina i le Alliance for Equal Justice ma i tagata ta'ito'atasi e le maua ai se faapisini.)